

Linportans
enn fami

Mr Dewkeea Ramkesswur



MINISTRY OF ARTS AND CULTURAL HERITAGE
7th Floor, Renganaden Seeneevassen Building
Cnr Maillard & Pope Hennessy Streets, Port Louis

Tel: 212 2112

Production of e-book

Collection of short stories on the Covid-19 experience

APPLICATION FORM

1. General Information

Title (Mr / Mrs / Miss): Mr

Surname (Block letters): DEWKEEA

Other Names: Ramkesswur

National Identity Card No: D100997140342C

Residential Address: Quatre Bords Road, Bon Accueil

Tel: 4182553 Mobile: 57789102 Fax: (No fax number)

E-mail: adarsh2553@gmail.com

Title of Story: L'importance Ene Famille

E-story being submitted in (language) Creole

Number of words: 1385 Number of Pages: 4

I HEREBY CERTIFY THAT THE SHORT STORY IS MY ORIGINAL CREATION AND ALL THE
INFORMATION SUBMITTED ABOVE IS TRUE

Date: 30.06.2020

Signature: ~~R. Dewkeea~~

LIMPORTANS ENN FAMI

Zordi moi ek mo paran nou fier kan nou trouv mo ti frer, Ankush, ki finn vinn enn garson responsab dan so lavi ek tou inn Komens depi premie zour konfinnman. Li ti tou letan enn zenfan irresponsab kot li pa ti pe ecout konsey seki so bann paran donn li. Ankush, se enn garson ki ti tou le tan amen so lavi zis amiz avek bann kamarad. Li ti pe pass tou so lazourne en deor lakaz. Li pa konn limportans pas enn bon moman ant fami. Rezon mo frer ti irresponsab se akoz li pa kone ki sanla so vre kamarad ni li konn gard ene balans ant la fami, kamarad, ek so letid. So pli grand pastan ti zwe game avek so bann kamarad lor portab ek li ti mem depans tou larzan seki nou paran ti pe donn li dan bann zafer initil avek linflians so bann kamarad. Gras a Covid19, Ankush ti oblize ress konfine dan lakaz ensam avek fami. Dan sa fason la li finn komans pas letan ant bann fami ek avek letan li finn resi kone kifer lavi pa pas zis avek kamarad me osi avek lafami. Premie zour sa konfinnman la, Ankush ti leve ek li ti kroir ki so lavi ti pou pas parey kouma abitie. Me li pa ti kone ki depi sa zour la so lavi pou komans sanze ek li pou konn vre fason viv. Premie zafer gramatin li ti tir so portab e li ti kontakte so bann kamarad pou zwen malgre ti ena konfinnman, me en retour, so bann kamarad ti koz foutan avek Ankush akoz li pa ti kone ki sa virus la, li enn lennmi invisib ek li kapav vinn enn gran menas pou li ek so fami si li al deor.

kan li finn kone ki li pou oblize res dan so lakaz, li finn komans azir dan enn fason bien agresif enver zot tou. kan so paran ti pe esey koz avek li, li ti pe reponn avek enn ton for ek insiltan. Li pa ti pe dakor pou res enferme dan so lakaz akoz pou li sa ti kouma dir enn prizon ek li pa ti pe abitie res dans so lakaz ant fami. Apre plizier zour pandan sa konfinnman la Ankush inn oblize pas letan avek moi ek lezot memb lafami. Mo papa, li enn polisie ek li ti pe oblize al travay pandan sa momen difisil la. Enn zour, avan li sorti pou al travay, li ti dir Ankush fer atension pa bizin sorti pou nanyen. Bizin pran boukou prekaution akoz sa virus la li vremen danzere ek li kapav prezan ninport kot sa. Nou bizin res bien vizilan. Sa ler la, Ankush ki ti lor so portab, desuit reponn so papa ek li ti dir ki pa bizin pran traka akoz li pou ena "online class" ek li ena boukou devoir leson pou fer. Mo papa ti touletan fer Ankush konfians ek kan li ti pe fini sorti pou al travay, Ankush ti

koumans kontan akoz sa ti enn lokazion pou li pou ki li kapav sorti ek al fer enn letour deor lakaz. Li ti pre pou pran ninport ki risk akoz li ti enn garson ki so lipie pa ress enn sel plas. Ziss avan li sorti, telefonn lakaz ti sone. Nou mama, ki enn ners ek li ti travay dan lopital mem pandan konfinnman, ti telefone ek li ti dir nou ki ena dimounn ki ti pe fini perdi zot lavi brit brit dan lopital akoz sa virus la. Mo mama inn explik Ankush kouma sa bann dimounn la zot fami ti pe soufer akoz zot finn perdi zot ban pros. Ban dimounn seki ti dan karantenn li pa ti fasil pou zot osi akoz zot ti loin avek zot fami. Mo frer, ene garson ki pa ti ase pran cont so fami dan le pase finn komans gagn traka tention ariv so ban paran kitsoz. Li ti fini chanz so desizion desuit ek finalman li ti desid pou ress lakaz. Ankush ti asiz dan salon li ti komans reflesi kouma par li mem li finn refiz pou sorti ek kifer li pe gagn traka so fami. Ek sa pa finn deza arriv li dan le pase akoz sa pa dan so natir sa. Ankush ti resi realize ki dan so lavi ti ena enkor lezot dimounn ki enkor pli importan dan so lavi. Li ti pe koumans panse ki depi tipti ziska zordi so paran ti touzour la pou li. Me li mem ki pa ti pe respekte so bann paran. Li finn realize ki finalman se so fami ki pu la pu li dan bann moman difisil .Bann kamarad zot la zis pou enn sertin moman. Sa pandemi la finn resi amen en sanzman dan mo frer so la vie. Petit a petit lin koumens abitie pas letan avek so fami ek li ti pe ador sa. Mo panse ki sa virus la inn kapav infekter ek mem pran lavi boukou dimounn me sa li finn osi donn boukou dimounn enn bon leson dan zot lavi. Zot tou finn gagn enn oportinite pou sanze e kompran bann erer seki zot ti p fer dan zot lavi me touzour ena enn parti dimounn ki pankor kompran kouma sa pandemi la pe ed plizir dimounn dan enn sens pou amelior zot lavi.

kan Ankush ti koumans konn so bann erer li ti desid pou vinn koz avek moi e li ti koumans rakont moi ki li pe realiz boukou bann zafer seki li pa ti pe pran cont dan le pase. Zordi li pe konn límportans enn fami. Mo ti mem donn li bann konsey ki lafami li importan dan so lavi e zot pou tou letan la pou li dan ban moman difisil. Apre boukou mwa mo finn trouv Ankush pans positif ek pans pour le fitir. Mo frer ti pe fer lamizik dan le pase ek sa zour la nou ti desid pou pas un pe plis letan pou zwe piano ek lagitar. Sa moman la ti bien spesial akoz nou rapel nou lanfans kan nou ti pe abitie fer lamizik ensam. Nou pa ti mem trouv letan pase ek ti fini ariv tanto. Nou paran ti tou letan konn Ankush enn garson seki res dan so lasam ek pas so letan zis dan servi so portab. Sa zour la zot ti fini zot travay e kan zot ti rant lakaz zot pa ti pe krwar zot lizie kan zot ti trouv zot tipti garson pe zoue lamizik.

Gras a sa konfinnman la, Ankush resi sorti pou pas letan avek so gran frer. Li finn finalman konpran ki lazoi seki gagne ant fami li pa parey kan li avek so bann kamarad. Avant al dormi aswar, li finn koumans pans bien ki covid 19 finn montre li enn vre fason viv. Akoz li ti enn garson ki ti bien pas letan dan bann zafer initil avek so bann kamarad, li finn deza kap lekol e leson san ki li realize li pe gat so lavenir. Me zordi li cone ki sa pa pou amen li loin. Aster li pe koumans pran so letid serye. Li pe konn gard enn balans ant so letid e so lamizman. Ankush so pastan prefere se zwe game avek so bann kamarad me zordi so pastan prefere se zouer lamizik e li mem pratik so sport regilierman. Li ti dir li bizin vinn pli responsab dan so lavi apre sa konfinnman la ek esay amenn so lavi dan enn lot fason kot so paran pou fier de li enn zour.

Covid 19 li pa zis enn virus ki pe amen problem dan bann dimounn zot lavi, me li pe osi donn zot tou enn sans pou realize kouma bizin viv e realiz zot erer seki zot pe fer dan lavi toulezour. Covid 19 finn ed nou fami pou koriz Ankush so ban aktion seki li ti pe mal fer. Koumsa mem ena boukou bann leson seki bann dimounn inn gagne pandan sa konfinnman la. Me touzour pou ena boukou bann personn seki pa pou konpran malgre zot pe gagn enn sans pou koriz zot bann erer.